

24 Sune 2015 Na'e to e fili 'a Siosaia Moehau pule 'o e hotele Black Pearl ko e Palesiteni, lolotonga 'a e Fakataha Fakata'u 'a e Kautaha Takimamata 'a Tonga 'i Loumaile Lodge he 'aho 2 Sune 2015. Ku o ta'u lahi hono toutou fili 'a Siosaia Moehau ko e Palesiteni he Kautaha Takimamata 'a Tonga makatu'unga 'i he'ene ngaue totoivi mo 'osikiavelenga hono keli mo tanumaki 'a e Takimamata 'a Tonga.

Na'e to e fili foki mo e kau paionia he Takimamata 'a Tonga' hangē ko Papiloa Bloomfield Foliaki, Fakafofonga Falealea Semisi Sika, Peseti Ma'afu, Footi 'Aho, Samuela Tatafu, Simana Kami mo e tokolahi ke he, kenau keli mo taufetuku ki ke Takimamata' pea ke tou mo lilingi 'a e tapuaki' ki he kau nima-foia he Takimamata', ke to e leleiange he ko e laukau'anga mo e mo'ui'anga 'a e Tonga'.

Ko e kau nima-foia eni kuo nau pole ke nau 'alofia 'a e ama Takimamata 'a Tonga' he 2015.

Palesiteni: Siosaia Moehau, Pule Black Pearl

Tokoni Palesiteni 1: Peseti Ma'afu, Liku'alofa Beach Resort

Tokoni Palesiteni 2: Papiloa Bloomfield Foliaki, Friendly Islander Hotel

Executives

Fika 1: MP, Semisi Sika, Five Star Travel

Fika 2: Simana Kami, 'Oholei Beach Resort

Fika 3: Samuela Tatafu, Deep Blue Diving

Fika 4: Freda Vete, Tali'eva Inn

Fika 5: Kololiana 'Otuangu Naufahu, Paradise Hotel

Tauhi Pa'anga: Footi 'Aho, Sunrise, Travel and Tours

Tokoni Tauhi Pa'anga: Salome Foliaki Po'oi, Every Seasons Travel Tours

Sekelitali Seniale : Siosaia Fonua, Tonga Information Centre

Sekelitali Lekooti: Ruby Ma'afu, Tonga Tour

Atita: Sione Talanoa Finau, Real Tongan Airline

Pa'anga humai 'a Tonga mei he Takimamata 'a Tonga

Neongo 'e laukau 'a e Pule'anga' he Takimamata 'a Tonga' mo 'enau pa'anga humai 'e \$4.0 miliona he 2007 pea tupulaki fakata'u ki he \$80.0 miliona he 2014 pe ofi ki ai, 'oku lolotonga folutāmakia 'a e kau paionia mo e kau nima fola he mala'e 'o e Takimamata mei he'enau \$350.0 miliona pe ofi ki ai kuo nau luva ma'a Tonga mo e Takimamata'.

Tu'unga 'o e teu mo e sani 'a e Takimamata'.

Na'e pehe 'e he kau fakataka, 'oku lolotonga to lalo 'a e Takimamata' ko e 'uhi', he kuo to lalo 'enau ngaahi naunau ki hono talitali e kau folau 'eve'eva'. Ku o holo e tu'unga masani 'a e ngaahi hotele' mo e ngaahi fale tali fononga', pea 'oku lolotonga fakaakeake mo e ngaahi Takimamata kehe' ko e 'uhi ko e to nounou 'enau ngaahi me'a ngäue'.

To e kole pe mo e 'Amanaki lelei

Lolotonga pe si'i kekekelea 'a e Takimamata', ku o to e to'o 'e he Pule'anga' ia 'a e Laiseni Fakalalaka ki he Takimamata'. Na'e fai si'i fakatangi 'a e Takimamata' ki he Pule'anga ke tokoni ki hono tu'uaki 'enau teu mo sani he Takimamata', pea ke fokotu'u ha'anau Poate ko e

nima ngaue 'a e Pule'anga'. Na'e toe siva 'a e 'amanaki 'a e Takimamata', he ku o to e pulekeheha si'enu fakatangi pea mo hono tu'uaki 'emau teu mo sani he Takimamata ki Tonga'.

Tukupu 'a e Takimamata 'a Tonga

'Oku ongo'i 'e he Takimamata 'a Tonga', 'a 'enu faka'ofa, li'ekina mo tu'enoa, neongo 'enu tukupa 'tapu hola' 'oka 'uha pe la'ala'a' pea ke kelekele'aki 'a Tonga' ni 'aki 'enu teu mo sani ma'ae Takimamata 'a Tonga'.

Holoa ivi faka-Takimamata

Ku o holoa e tu'unga faka-Maketi 'o e ngaahi naunau faka-Takimamata he fonua'ni, pea 'oku 'iai e fiema'u vivili fakavavevave ke fai leva hano fakalelei'i na'a popo mo ta'e 'aonga. 'Oku feima'u vivili ke hiki hake mo fakalahi 'a e tu'unga 'o 'enu naunau faka-Takimamataa ke ne pukepuke'aki mo fakatupulaki 'a e folau mai 'a e kau folau 'eve'eva'.

2015 ke tokoni'i 'a e Takimamata

Na'e fakamalo 'a e Takimamata 'a Tonga ki he Pule'anga' hono tokoni'i 'a e Sekitoa Ngoue mo e Sekitoa Toutai' 'aki e \$10.00 miliona pea 'oku 'iai 'a e 'amanaki lelei ku o taimi he 2015 ke fakakakato hono tokoni'i 'e he Pule'anga e Kakai' e ngaahi Sekitoa lalahi 'e tolu 'a Tonga' 'a e Ngoue', Toutai' mo e Takimamata'.

'Amanaki lelei 'a e Takimamata 'a Tonga

'Oku 'i ai 'a e 'amanaki lelei 'a e Takimamata 'e to e 'ofa 'a e Pule'anga ki he Takimamata he ta'u ni 2015, mo e 'amanaki lelei 'e to e lelei ange mo lahi ange 'a e pa'anga humai ki Tonga ni mei he Takimamata.

Pole 'a e Takimamata 'a Tonga

Na'e pole 'a e Takimamata 'a Tonga te nau lava ke hiki hake 'a e pa'anga humai mei he takimamata' mei he \$80.0 miliona ki he \$120 miliona 'ihe ta'u 'e 5 ka hoko mai pea toe liunga ua foki mo hono fakangaue'i e kakai totonu e fonua'.

Fakataha 'a e Minisita Takimamata' mo e Kautaha Takimamata 'a Tonga

Na'e mahino ta'e toe veivei ua 'a e uho taha 'a e ngaahi fokotu'utu'u ngaue 'a e Minisita Takimamata', 'Eiki Minisita 'Etuete Lavulavu pea mo e kautaha Takimamata 'a Tonga'. 'I he 'uluaki fakataha fakamafola letiö 'a e Minisita Takimamata pea mo e Kautaha Takimamata 'a Tonga' he efiafi 2 'o Sune 2015, 'oku 'i ai e 'amanaki lelei neongo e faka'ofa ta'u lahi 'a e si'i päpaea holo 'a e Takimamata'a Tonga'.

Ngata'anga.

Tuku atu mei he: Kautaha Takimamata 'a Tonga. Ki ha'o faka'eke'eke kataki 'o fetu'utaki kia Siosaia Fonua,

Secretary General, Tonga Tourism Association (Established 1975), E:
informationtonga@gmail.com T: 25777, M: 7717222